



Broj: 02-04-29156-2/22  
Sarajevo, 29.07.2022. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), člana 22. Zakona o izvršavanju Budžeta Kantona Sarajevo za 2022. godinu (“Službene novine Kantona Sarajevo”, broj: 5/22), člana 7. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22) i Odluke o preraspodjeli sredstava u Budžetu Kantona Sarajevo za 2022. godinu za budžetskog korisnika Kabinet predsjedavajućeg i zamjenika predsjedavajućeg Skupštine Kantona Sarajevo, broj: 08-11-3011/22 od 15.02.2022. godine, Vlada Kantona Sarajevo, na **219. vanrednoj** sjednici održanoj **29.07.2022.** godine, donijela je

**O D L U K U**  
**O USVAJANJU IZMJENA PROGRAMA UTROŠKA SREDSTAVA TEKUĆIH**  
**TRANSFERA UTVRĐENIH BUDŽETOM KANTONA SARAJEVO ZA 2022. GODINU**  
**KABINETA PREDSEDAVAJUĆEG I ZAMJENIKA PREDSEDAVAJUĆEG**  
**SKUPŠTINE KANTONA SARAJEVO**

**I**

U Odluci o usvajanju Programa utroška sredstava tekućih transfera utvrđenih Budžetom Kantona Sarajevo za 2022. godinu Kabineta predsjedavajućeg i zamjenika predsjedavajućeg Skupštine Kantona Sarajevo („Službene novine Kantona Sarajevo“, broj: 09/22) - tačka I stav (2) mijenja se i glasi:

„Program utroška sredstava iz ove tačke čini sastavni dio ove odluke- Obrazac Anex I, i to:

**Aneks I.**

**Izmjene Programa utroška sredstava iz Budžeta putem dodjele tekućih transfera za finansiranje i sufinansiranje aktivnosti/projekata neprofitnih organizacija i pojedinaca sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo za 2022.godinu, Ek. kod - 614 000 Tekući transferi**

**Naziv davaoca budžetskih sredstava:**

**Kabinet predsjedavajućeg i zamjenika  
predsjedavajućeg Skupštine Kantona  
Sarajevo**

**Datum izrade Izmjene Programa utroška  
sredstava:**

15.07.2022.godine



**Pravni osnov za dodjelu sredstava transfera:**

- Budžet Kantona Sarajevo za 2022. godinu („Službene novine Kantona Sarajevo“, broj: 5/22 )
- Zakon o izvršavanju Budžeta Kantona Sarajevo za 2022. godinu („Službene novine Kantona Sarajevo“, broj: 5/22 )
- Uredba o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22)
- Interni pravilnici o organizacijskim preduslovima i aktivnostima dodjele transfera sa razdjela Kabineta.

**Ukupan iznos sredstava utvrđenih Izmjenom Programom utroška sredstava sredstava po svim izvorima finansiranja**

506.300,00 KM

**Procijenjene grupe korisnika sredstava**

Pojedinci, neprofitne organizacije i druga pravna lica

**Opći cilj programa utroška sredstava sa jasnom vezom sa relevantnim strategijama/ili prioritetima davaoca sredstava, odnosno Vlada**

Usklađenost prioriteta za dodjelu sredstava sa planskim dokumentima na način da se obezbijedi pristup i raspolaganje budžetskim sredstvima na principu zakonitog, namjenskog, transparentnog i efikasnog finansiranje/sufinansiranje pojedinaca i neprofitnih organizacija, koji ispunjavaju opće i posebne kriterije za dodjelu sredstava iz Budžeta Kantona Sarajevo, uz upravljanje rizicima i dosljedno provođenje postupaka kontrole utroška istih.

**Specifični cilj Programa utroška sredstava koji sadrži mjerljive očekivane rezultate u toku i nakon provođenja finansiranja sredstvima predviđenim u programu utroška sredstava**

- a) finansiranje projekata, programa i aktivnosti neprofitnih organizacija putem javnog poziva i koji moraju biti objektivno mjerljivi, a od interesa su za Kanton Sarajevo ili doprinose razvoju i afirmaciji Kantona Sarajevo, a odvijaju se unutar i izvan područja Kantona Sarajevo u izuzetnim slučajevima.
- b) finansiranje neprofitnih organizacija i udruženja bez Javnog poziva koji su na osnovu posebnog zakona navedeni kao provodioci određene aktivnosti ili proističu iz obaveze osnivača, od interesa su za Kanton Sarajevo ili doprinose razvoju i afirmaciji Kantona Sarajevo, a odvijaju se unutar i izvan područja Kantona Sarajevo u izuzetnim slučajevima.
- c) finansiranje pojedinaca bez Javnog poziva (u stanju socijalne potrebe, za liječenje i



zdravstveno zbrinjavanje kao i podrška sportskim aktivnostima)

- d) Finansiranje projekata održivog povratka u Republiku Srpsku (poboljšanje kvalitete života povratnika) putem Javnog poziva, odnosi se na pojedince i neprofitne organizacije.

**Način utvrđivanja postizanja specifičnog cilja sa izvorima podataka će koristiti za utvrđivanja postizanja specifičnog cilja i kako planira doći do tih podataka**

Internim aktima definisati organizacione predušlove i aktivnosti za utvrđivanje postizanja specifičnog cilja korištenjem internih i eksternih izvora.

**Kriteriji za dodjelu sredstava koji uključuju opće i posebne kriterije koji će se koristiti za odlučivanje o dodjeli sredstava koji moraju biti specifični i objektivno mjerljivi**

Kriteriji za dodjelu sredstava gore navedenim korisnicima ovog Programa propisani su Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22) i isti će se primjenjivati prilikom finansiranja sa pozicije tekućih transfera na razdjelu Kabineta.

**Vrsta projekata/aktivnosti koji će biti finansirani Programom utroška sredstava sredstava uključujući i vrstu projekata/aktivnosti koja neće biti finansirana**

Finansirat će se projekti/programi/aktivnosti u skladu sa članovima 6. i 9. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22).

Neće se finansirati :

- aktivnosti organizacija koje nisu opravdale niti dostavile finansijski izvještaj o utrošku budžetskih sredstava u cijelosti za odobreni program/ projekat ili aktivnost u prethodnom periodu
- aktivnosti političkih partija, organizacija i udruženja

**Način dodjele sredstava odnosno jasno navesti da li će se sredstava dodijeliti javnim pozivom ili bez objave javnog poziva**

Kabinet će budžetska sredstva dodjeljivati u skladu sa kriterijima za dodjelu sredstava iz Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22) putem javnog poziva i bez objave javnog poziva, na osnovu zahtjeva i prateće dokumentacije kojom se dokazuje ispunjavanje svih navedenih kriterija za dodjelu sredstava, a dodjeljivaće se odlukom u skladu sa zakonskim i podzakonskim aktima uz obavezu poštivanja minimalnih standarda dodjele budžetskih sredstava.

Kabinet će osigurati i potpisivanje ugovora o dodijeljenim sredstvima kojim će se definisati



međusobna prava i obaveze ugovornih strana, a posebno način i dinamika korištenja dodijeljenih sredstava, neprihvatljivi troškovi te nadzor nad utroškom istih.

Sredstva će biti dodijeljena putem javnog poziva i bez javnog poziva u slučajevima koji su definisani u članovima 6. i 9. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22)

#### Objašnjenje za utvrđene iznose po projektima / aktivnostima:

Ekonomski kod	Subanalitika	Korisnici	Svrha	Način finansiranja	Iznos
614200		pojedinci	osobe koje se nalaze u stanju socijalne potrebe, za liječenje i zdravstveno zbrinjavanje, podrška sportskim aktivnostima	bez Javnog poziva	10.000
614200	ACM001	pojedinci	finansiranje projekata održivog povratka u RS	Javni poziv	20.000
			projekti koji su od interesa za Kanton Sarajevo ili doprinose razvoju i afirmaciji Kantona Sarajevo, a odvijaju se unutar i izvan područja Kantona Sarajevo	Javni poziv	86.300
614300		neprofitne organizacije	finansiranje udruženja koji su na osnovu posebnog zakona navedeni kao provodioci određene aktivnosti ili proističu iz obaveze osnivača ili odlukom Vlade Kantona Sarajevo	bez Javnog poziva	210.000
			finansiranje projekata održivog povratka u RS	Javni poziv	180.000
<b>UKUPNO:</b>					<b>506.300</b>

U slučaju postojanja opravdane potrebe za korekcijom iznosa planiranih sredstava za svaki specifični cilj Programa, a u skladu sa Zakonom o izvršavanju Budžeta Kantona Sarajevo, Kabinet može napraviti preraspodjelu sredstava.

U slučaju izmjene ukupnog iznosa sredstava za sprovođenje ovog Programa, kao rezultat preraspodjele ekonomskih kodova unutar budžeta Kabineta ili raspodjele između budžetskih korisnika, Kabinet može vršiti izmjenu i dopunu Programa u skladu sa potrebama na osnovu kojih su donošene odluke o preraspodjeli sredstava, odnosno povećanju ili smanjenju ukupnog iznosa sredstava Programa uz saglasnost Vlade Kantona Sarajevo.



## Procjena rizika za realizaciju Programa utroška sredstava:

Vrsta rizika	Vjerovatnoća	Uticaj	Mjere
Nedovoljna dostupnost informacija potencijalnim korisnicima sredstava	Niska-prihvatljiva	Na realizaciju procesa	Pojačati načine komunikacije prema korisnicima (mediji i društvene mreže)
Smanjeni ljudski kapaciteti za odvijanje svih procesa zbog pandemije i nedovoljna stručna obučenosn službenika za provođenje Programa utroška sredstava	Niska-prihvatljiva	Na realizaciju procesa	Obezbjediti preraspodjelu poslova i poduzeti aktivnosti na unaprijeđenju obuka

### Vrste aktivnosti praćenja koje se planiraju provoditi; Način dodjela sredstava odnosno jasno navesti da li će se sredstava dodijeliti javnim pozivom ili bez objave javnog poziva

Kabinet će provoditi praćenje svih dostavljenih izvještaja korisnika dodijeljenih sredstava bez obzira na njihovu visinu i namjenu na propisanom obrascu (narativni i finansijski).

Kabinet će provoditi obavezne terenske posjete kod korisnika čija je ukupna izloženost riziku utvrđena kao visoka, te sačiniti izvještaj o učinjenom.

Kabinet će voditi evidenciju na osnovu Programa utroška i dodijeljenih sredstava kroz plan praćenja.

Plan praćenja obuhvata sve potpisane ugovore sa korisnicima sredstava na propisanom obrascu.

### Mjere za sprječavanje nepravilnosti i sukob interesa;

Kabinet će definisati u internim aktima, a u skladu sa zakonskim propisima, mjere za sprječavanje nepravilnosti i sukoba interesa u svim fazama provođenja i dodjele sredstava.

U slučajevima pojave nepravilnosti i utvrđenog nenamjenskog trošenja budžetskih sredstava, Kabinet će aktivirati mehanizme povrata sredstava prema odredbama ugovora o dodjeli sredstava, kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.

### Način provođenja procjene uticaja Programa utroška sredstava na žene i muškarce, dječake i djevojčice te na ranjive marginalizirane kategorije.

Programom će se omogućiti rodna ravnopravnost učešća prilikom apliciranja za dodjelu sredstava sa ili bez javnog poziva, vodeći računa na ranjive i marginalizirane kategorije društva pored kvalitete prijedloga projekta i njegovog doprinosa ostvarivanju ciljeva Programa.

## II

Ostale odredbe iz Odluke o usvajanju Programa utroška sredstava tekućih transfera utvrđenih Budžetom Kantona Sarajevo za 2022. godinu Kabineta predsjedavajućeg i zamjenika predsjedavajućeg Skupštine Kantona Sarajevo („Službene novine Kantona Sarajevo”, broj: 09/22) ostaju nepromjenjene.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

### III

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PO OVLAŠTENJU PREMIJERA**

**ministrica Nikolić Aleksandra**



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Kabinet predsjedavajućeg i zamjenika predsjedavajućeg Skupštine Kantona Sarajevo,
5. Ministarstvo finansija Kantona Sarajevo,
6. Za objavu u „Službenim novinama Kantona Sarajevo“,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

6/6